

საქართველო

ხონის მუნიციპალიტეტის საკრებულოს

2023 წლის 6 ივნისი სხდომის

ოქმი N 8

ხონის მუნიციპალიტეტის საკრებულოს სხდომის

ოქტომბერი N 8

ქ. ხონი

6 ოქტომბერი, 2023 წელი
14 საათი

საკრებულოს სხდომას ესწრებოდნენ:

საკრებულოს თავმჯდომარე ვალერი ბახტაძე

საკრებულოს თავმჯდომარის პირველი მოადგილე: გელა ჩოგოვაძე.

საკრებულოს წევრები:

ზურაბ მიქაძე

რაული ვაშავიძე

ზაზა რუხაძე

ნაზიბროლა გეგია

გურამ ბახტაძე

ლევან ჯიმშელეიშვილი

დემურ სულაბერიძე

ბესარიონ ჭელიძე

ზაზა ვაშავიძე

ზვიად ჩიმავაძე

კახა ფირცხალავა

შორენა ჭოლოვავა

ბაჩანა ბასილაძა

მაია სულაბერიძე

მავა ტაბიძე

ბესიკ ეძგვერაძე

ამირან კაშა

შორენა კაკაბაძე

ია სულუხია

ლია ღაჭავა

ნინო კუხალაშვილი

ასევე სხდომას ესწრებოდნენ:

- ლადო ჯურხაძე ხონის მუნიციპალიტეტის მერი.
- გერასიმე მუხავანაძე ხონის მუნიციპალიტეტის მერის პირველი მოადგილე.
- მერიის სხვა სამსახურის ხელმძღვანელი.

ხონის მუნიციპალიტეტის საკრებულოს სხდომა გახსნა საკრებულოს თავმჯდომარემ ვალერი ბახტაძემ.

საკრებულოს წევრმა ფრაქცია „ევროპული საქართველო“ ს თავმჯდომარემ შორენა ჭოლოვავამ ითხოვა საკრებულოს სხდომის პირდაპირი ტრანსლაცია.

საკრებულოს თავმჯდომარემ ვალერი ბახტაძე „ხონის მუნიციპალიტეტის დებულების(რეგლამენტის)“ მე-10 მუხლის 1 პუნქტის შესაბამისად კენჭის ყრაზე დააყენა წარმოდგენილი საკითხი.

მომხრე-6

წინააღმდეგი -17

საკრებულოს წევრს ფრაქცია „ევროპული საქართველო“ ს თავმჯდომარეს შორენა ჭოლოვავას, უმრავლესობის ხმათა გადაწყვეტილებით უარი ეთქვა სხდომის პირდაპირ ტრანსლაციაზე.

საკრებულოს თავმჯდომარემ ვალერი ბახტაძე კენჭის ყრაზე დააყენა დღის წესრიგის პროექტი წარმოდგენილი სახით.

დღისწესრიგი

1. „ხონის მუნიციპალიტეტის მერის 2022 წელს გაწეული მუშაობის ანგარიშის შეფასების შესახებ“.

მომხსენებელი: ლადო ჯურხაძე

საკრებულოს წევრების მიერ დღის წესრიგის პროექტის მიმართ შენიშვნები არ დაფიქსირებულა.

სხდომის თავჯდომარემ კენჭი უყარა დღის წესრიგის პროექტს:

მომხრე-23

წინააღმდეგი -0

1. „ხონის მუნიციპალიტეტის მერის 2022 წელს გაწეული მუშაობის ანგარიშის შეფასების შესახებ“. საკითხი საკრებულოს წევრებს და დამსწრე საზოგადოებას გააცნო ხონის მუნიციპალიტეტის მერმა ლადო ჯურხაძემ. (ხონის მუნიციპალიტეტის მერის 2022 წლის გაწეული მუშაობის შესახებ ანგარიში თან ერთვის. დანართის 28 ფურცელი).

ანგარიშის მოსმენის შემდეგ საკრებულოს წევრებმა დასვეს შეკითხვები.

საკრებულოს წევრმა ზვიად ჩიმაკაძემ დასვა შეკითხვა: ვინ არის სოფ.მათხოვში ელექტრონული აუქციონ წესით იჯარით მიღებული 10ჰა მიწის ნაკვეთის მეპატრონე?

ლადომ ჯურხაძემ განმარტა, რომ აღნიშნული ნაკვეთი საკადასტრო კოდის გარეშე, ზეპირად შეუძლებელია დადგინდეს ვიზე გაფორმდა საიჯარო ხელშეკრულება. დაინტერესების შემთხვევაში შესაძლებელია არსებული ინფორმაციის მერიაში მიღება.

ფრაქცია „ნაციონალური მოძრაობის“ მოადგილემ ბესარიონ ჭელიძემ დასვა შეკითხვა სახელმწიფო აუდიტის დასკვნასთან დაკავშირებით, რომელიც შეეხება მერიაში არსებულ რიგ სამსახურებს, როგორც აღნიშნული იყო თანამშრომლებს არ გააჩნიათ ოთახი, კომპიუტერი და ასეთ ვითარებაში რა თქმა უნდა ისინი ვერ შეძლებდნენ ამა თუ იმ საქმიანობის შესრულებას. მოჰყვა თუ არა რეაგირება არსებულ ჩანაწერს?

ლადო ჯურხაძემ აღნიშნა, რომ ხონის მერიის დაქვემდებარებულ სამსახურებში უკვე დასრულებულია სამუშაო პირობების მოწესრიგების საკითხი, კერძოდ შეძენილია კომპიუტერული ტექნიკა საჭირო ოდენობით, ხოლო რაც შეეხება ა(ა)იპი ორგანიზაციებს აქ მიმდინარეობს რეფორმა და უახლოეს პერიოდში იქნება დასრულებული.

შორენა ჭოლოვავამ დასვა შეკითხვა მერიის ანგარიშში არსებული აუდიტის დასკვნასთან დაკავშირებით და ზედამხედველობის სამსახურთან მიმართებით.

ლადო ჯურხაძემ განმარტა რომ აუდიტის მიერ წარმოდგენილ დასკვნაში, რომელიც ეხებოდა მადლიერების სახლს მართლაც იყო დარღვეული პროცედურული საკითხი, რის გამოც სიტყვიერი გაფრთხილება მიეცა მერიის შესაბამის სამსახურს და მადლიერების სახლის დირექტორს, აქვე განმარტა, რომ სასურსათო პროდუქტების ფასების მკვეთრი მატების გამო საჭირო გახდა გადაუდებელი რიგი ღონისძიებების განხორციელება. რაც შეეხება გარევაჭრობის თემას მერმა აღნიშნა, რომ ეს საკითხი მიუხედავად ჩვენი მრავლობითი მცდელობისა დღემდე არ არის სრულად მოწესრიგებული და დღესაც პრობლემურია. აღნიშნულიდან გამომდინარე, როგორც მერმა განაცხადა, ზედამხედველობის სამსახურს საკითხი მოსაგვარებლად მიეცა დავალება, რომ ეტაპობრივად მოხდეს გარე მოვაჭრებთან შესაბამისი განმარტიბითი მოშაობა, მოკლე დროში მოხდება პარკირების პროექტის წარდგენა

და მიიღება, რაც თავის მხრივ გარე ვაჭრობის მოწესრიგებასაც შეუწყობს ხელს. მოხდება ტერიტორიის აუქციონის წესით გაიჯარება და გარკვეული სახის შემოსავალი შეემატება მუნიციპალიტეტის ბიუჯეტს.

ბესარიონ ჭელიძემ ისაუბრა საჯარო ინფორმაციის გამოთხოვასთან დაკავშირებით, ვინაიდან პრობლემური გახდა ინფორმაციის მიღება მათ სარჩელი სასამართლოში შეიტანეს. ხოლო ის ინფორმაცია, რომელიც მათ მიაწოდეს, იყო წვრილი შრიფტით ნაწერი და ფაქტობრივად არ იკითხებოდა.

ლადომ ჯურხაძემ აღნიშნა, რომ ჩვენთან არ არსებობს კომუნიკაციის პრობლემა და შრიფტთან დაკავშირებითაც შეიძლებოდა სასამართლოს გარეშე საკითხის ადგილზევე მოგვარება.

საკრებულოს თავჯდომარემ ვალერი ბახტაძემ დასვა შეკითხვა მუნიციპალიტეტში დაფიქსირებული ცოფიანი მაღლის მიერ დაკბენის ფაქტთან დაკავშირებით თუ რა მდგომარეობაა დღეისთვის მუნიციპალიტეტი და რა სახის ღონისძიებები ტარდება პრობლემის მოსაგვარებლად ?.

ლადო ჯურხაძემ აღნიშნა, რომ მუნიციპალიტეტი კარანტინის ზონად იქნა გამოცხადებული. მუნიციპალიტეტის ცენტრიდან 2კმ- ის რადიუსში მიმდინარეობს ცხოველთა საყოველთაო აცრა, ასევე გაყვანილი იქნა ცხოველთა თავშესაფარში რამდენიმე ათეული მიუსაფარი ძაღლი.

ფრაქცია „ევროპული საქართველოს“ თავჯდომარე შორენა ჭოლოკავამ შეფასება გააკეთა, მერის 2022 წლის გაწეული მუშაობის თაობაზე. მან მადლობა გადაუხადა მერს, შესრულებულ სამუშაოებზე და მუნიციპალიტეტში ინვესტიციების მოზიდვაზე, ასევე მადლობა გადაუხადა ევროკავშირს და რეგიონული განვითარების ფონდს, რადგან მათი დაფინანსებით ბევრი პროექტი განხორციელდა მუნიციპალიტეტში. როგორც შორენა ჭოლოკავამ აღნიშნა სხვა მუნიციპალიტეტები ადვილად ვერ მოიპოვებენ მსგავსი ტიპის დაფინანსებას და ლომის წილი მერს მიუძღვის რაც შექებას იმსახურებს. მაგრამ არის საკითხები რაც მოგვარებას საჭიროებს, მაგალითად მადლიერების და სათნოების სახლის ბენეფიციარების, კვების რაციონის გაუმჯობესება. მიუხედავად იმისა, რომ ფასები მკვეთრად გაზრდილია წინა წლებთან შედარებით, ერთი ბენეფიციარის კვება 5 ან 3 ლარით განისაზღვრება. იქნებ გამოიძებნოს თანხები, მომზადდეს პროექტი და მოხდეს პრობლემის მოგვარება. შორენა ჭოლოკავამ ასევე ისაუბრა რიგი ა(ა)იპიების ერთიდაიგივე საქმიანობასთან დაკავშირებით. ფრაქციის თავჯდომარემ აღნიშნა აუდიტისა და კულტურის სამსახურის დასკვნების შესახებაც. მისი აზრით მნიშვნელოვანია სოფლის ბიბლიოთეკების ინფრასტრუქტურის მოწესრიგება. წლებია ამ კუთხით თანხები არ გახარჯულა და შესაბამისად სავალალო მდგომარეობაა. მან ასევე აღნიშნა საკრებულოს შენობაში არსებული ოთახების, დერეფნის და მიმდებარე ტერიტორიის მდგომარეობასთან დაკავშირებით. სავალალო მდგომარეობა სოფლებში, კერძოდ სოფ. გორდის ადმინისტარციული ტერიტორიული ერთეულის შენობასთან დაკავშირებითაც. მისი თქმით კარგია მსხვილი პროექტების განხორციელება, მაგრამ მნიშვნელოვანია იმ ადამიანების პირობების გაუმჯობესება, ვინც ემსახურებიან მუნიციპალიტეტის მოსახლეობას.

ლადო ჯურხაძემ აღნიშნა, რომ ბანერებზე წარმოდგენილი პროექტების განხორციელებას გასულ წელს ჩაეყარა საფუძველი, ეს არის 2022წლის შედეგი და ამიტომაც ისაუბრა ანგარიშში ამ საკითხზე. მერმა ასევე გასცა პასუხი სათნოებისა და მადლიერების სახლის ბენეფიციარების კვების რაციონთან დაკავშირებულ მოსაზრებას. როგორც მან აღნიშნა აუდიტის სამსახურთან ერთად მიმდინარეობს ამ ორი სახლის გაერთიანებაზე საუბარი, რეფორმა გახდის შესაძლებელს არსებული პირობები მკვეთრად გაუმჯობესდეს. რაც შეიხება ვიტა ჩხენჯელის სახლობის

მოსწავლე ახალგაზრდობის ცენტრისა და მუსიკალური სკოლის საქმიანობას, მერმა აღნიშნა რომ ისინი მოსწავლეებს სხვადასხვა მომსახურებას სთავაზობენ. ლადო ჯურხაძემ ისაუბრა აუდიტის სამსახურის დასკვნასთან დაკავშირებითაც. მისი თქმით არის გადაწყვეტილებები, რასაც ისინი არ ეთანხმებიან და მათ სხვა პოზიცია გაჩნიათ. რაც შეეხება ბიბლიოთეკების საკითხს, მან განაცხადა, რომ ბოლო პერიოდში სტატისტიკა აჩვენებს მკითხველის დაბალ აქტივობას. აქედან გამომდინარე თვლის მოხდეს მოდერნიზაცია. მწირი ბიუჯეტის გამო ვერ ხერხდება შენობის შეკეთება და შესაძლოა მობილური ბიბლიოთეკის გაკეთება, რომელიც საჭიროებისამებრ მოემსახურება მკითხველს. შენობების რეაბილიტაციასთან დაკავშირებით კი მერმა განაცხადა, რომ სხვა პრიორიტეტების გამო ჯერჯერობით ვერ მოხდა მათი გარემონტება.

დეპუტატმა ბაჩანა ბასილაიამ გააკეთა შეფასება მერის 2022 წლის გაწეული მუშაობის შესახებ, მადლობა გადაუხადა ლადო ჯურხაძეს ეფექტური მუშაობის გამო. მისი თქმით მნიშვნელოვანია ევროკავშირის დაფინანსება, მაგრამ არ შეიძლება არ აღინიშნოს მერის და მერიის თანამშრომლების ჩართულობა. მან ასევე აღნიშნა, რომ მიუხედავად დიდი კონკურენციისა, ხონი მოხდა 9 მუნიციპალიტეტს შორის, რაც ეხმარება მუნიციპალიტეტს სხვადასხვა დაფინანსების მოპოვებაში. ასევე ისაუბრა, რომ საქართველოში არსად ისეთი ხელშეწყობა არ აქვს სათემო განათლების ცენტრს, როგორც ხონში, იგულისხმება: ინფრასტრუქტურა, კომუნალური გადასახადები, ინვენტარი და ა.შ. მან ასევე გამოთქვა მოსაზრება საკრებულოს სხდომის პირდაპირი ტრანსლირების შესახებაც. როგორც მან აღნიშნა, სხდომა საჯაროა, ტრანსლაცია ეხება იმ შემთხვევას, როცა საკრებულო ატარებს სხდომას ისეთ სივრცეში, სადაც ვერ ხერხდება მოქალაქეების სრულად დასწრება, აქედან გამომდინარე გადაღებასთან დაკავშირებით კითხვის დასმაც არ იყო საჭირო.

დეპუტატმა შორენა ჭოლოკავამ აღნიშნა, რომ იყო შემთხვევები როცა უპრობლემოდ გადაუღია სხდომის მიმდინარეობა, მაგრამ შემდეგ უარი უთხრეს მის გავრცელებაზე. სწორედ ამის გამო დასვა დღეს აღნიშნული შეკითხვა. ამ საკითხთან დაკავშირებით ის აპირებს სარჩელის შეტანას სასამართლოში.

საკრებულოს წევრმა ლია ღაჭავამ მადლობა გადაუხადა მერს გაწეული მუშაობის გამო. როგორც მან აღნიშნა პრობლემები არ გამოილევა, მაგრამ მის გადასაჭრელად დონორი ორგანიზაციების მოძიებისთვის მუშაობას დიდი მნიშვნელობა აქვს. ასევე ისაუბრა, რომ ყოველწლიურად ბევრი პროექტი კეთდება და ეს თვალსაჩინოა, აქედან გამომდინარე ის მერის საქმიანობას დადებითად აფასებს.

საკრებულოს თავჯდომარემ ვალერი ბახტაძემ დადებითად შეაფასა მერის მიერ 2022 წლის გაწეული მუშაობა და მიღწეული შედეგებზე, მერს და მერიის თანამშრომლებს, მადლობა გადაუხადა გაწეული მუშაობისთვის.

საკრებულოს წევრების მიერ პროექტის მიმართ სხვა შენიშვნები არ დაფიქსირებულა.

სხდომის თავმჯდომარემ კენჭის ყრაზე დააყენა განკარგულების პროექტი : „ხონის მუნიციპალიტეტის მერის 2022 წელს გაწეული მუშაობის ანგარიშის შეფასების შესახებ“.

მომხრე - 23

წინააღმდეგი - 0

გადაწყვეტილება ერთხმად იქნა მიღებული

დღის წესრიგით გათვალისწინებული საკითხების ამოწურვასთან დაკავშირებით სხდომის თავმჯდომარემ სხდომა დახურულად გამოაცხადა.

სხდომაზე მიღებულ იქნა 2 განკარგულება.

სხდომის თავმჯდომარე:

ვალერი ბახტაძე

სხდომის მდივანი:

მაია ბობოხიძე